


Þjónustuflokkar

Upplýsingar



Þjónustuflokkur 1

Leitast er við að halda yfirborði vegar að mestu lausu við snjó og ís allan sólarhringinn. Á Hellisheiði er þó gert ráð fyrir að snjóþekja geti verið á vegi og að hann sé aðeins hálkuvarinn eins og vegir í **þjónustuflokki 2**.

Þjónustuflokkur 2

Í hálku er miðað við að vegurinn sé aðeins hálkuvarinn á varasömum stöðum. Í flughálku, eða þegar hættu er á að slík hálka geti myndast, er gert ráð fyrir að hálkuverja allan veginn.

Þjónustuflokkur 3 og 4

Í hálku er miðað við að vegur sé aðeins hálkuvarinn á mjög varasömum stöðum. Í flughálku, eða þegar hættu er á að slík hálka geti myndast, er gert ráð fyrir að hálkuverja á öllum varasömum stöðum.



www.vegagerdin.is
www.road.is

www.vegagerdin.is
www.road.is

Upplýsingasímar

Athugið: Fjögurra stafa símanúmer.

📞 Færð á vegum	1777
📞 Færð á vegum, talvél	1779
📞 Veðurstöðvar, talvél	1779
💻 Upplýsingasíður í textavarpi	470 - 490
🌐 Vefsíða	vegagerdin.is road.is

Leitaðu upplýsinga

Á heimasíðu Vegagerðarinnar www.vegagerdin.is og www.road.is er að finna yfirlitskort sem sýnir færð og ástand á helstu leiðum á hverjum tíma. Eins má þar finna upplýsingar um veður og umferð svo og myndir af ástandi vega.

Upplýsingar um færð og veður má einnig nálgast í textavarpi á síðum **470 - 490**, í talvél í síma **1779** (ath. fjögurra stafa númer) og á farsímavef m.vegagerdin.is.

Sími upplýsingaþjónustu Vegagerðarinnar **1777** er opinn frá 6:30 til 22:00 alla daga frá 15. október til 30. apríl. Á öðrum tíma árs frá 8:00 til 16:00 á virkum dögum.

Það kostar jafnt að hringja í **1777** og **1779** og að hringja í almenn símanúmer.

Öryggissími Vegagerðarinnar **522 1112** er opinn allan sólarhringinn. **Aðeins skal hringja í þetta símanúmer ef brýna nauðsyn ber til.**

Ef þörf er á aðstoð lögreglu, sjúkrabíls eða björgunarsveitar skal hafa samband við Neyðarlinuna í síma **112**.

www.vegagerdin.is
www.road.is

Vetrarþjónusta á þjóðvegum



Upplýsingarit um vetrarþjónustu
Vegagerðarinnar
Gildir frá og með haustinu 2014

www.vegagerdin.is
www.road.is

Upplýsingar um færð og ástand vega

Vetrarþjónusta

Upplýsingaþjónustan í síma 1777 er opin frá 6:30 til 22:00 alla daga frá 15. október til 30. apríl en að sumarlagi er hún opin frá 8:00 til 16:00 á virkum dögum.

Ef veður hamlar

Í vondu veðri er mokstri oft frestað þar til veður gengur niður.

Áður en lagt er af stað ...

... er mikilvægt að leita sér upplýsinga um veður og færð á fyrirhugaðri leið. Sérstaklega á þetta við um ferðalög á fjallvegum og á löngum leiðum. Á lengstu leiðunum er sjálfsagt að kanna, ef veður er tvísýnt, hvort færð eða veður hafi breyst meðan á ferð stendur. Upplýsingaþjónustan er í síma 1777.

Upplýsingar til Vegagerðarinnar

Þó að Vegagerðin kappkosti að gefa sem bestar upplýsingar, er vegna kostnaðar, ekki mögulegt að líta stöðugt eftir öllum vegum. Það er því mjög æskilegt að vegfarendur láti Vegagerðina vita um skemmdir á vegum eða ef færð er öðruvísi en sagt er.

Í nálægð snjómoksturstækja

Þegar vegfarendur eru nálægt tækjum í snjómokstri er nauðsynlegt að hafa eftirfarandi atriði í huga:

- Að víkja vel fyrir snjómoksturstækjum því snjókóf getur hindrað útsýni tækjastjórnandans.
- Að halda sig alltaf í góðri fjarlægð frá tækjum í snjómokstri, minnst 20 m og aðeins fara fram úr þeim ef snjókóf frá moksturstæki hindrar ekki sýn og þegar vissa er fyrir því að tækjastjórnandinn hafi veitt vegfarandanum athygli.
- Að stoppa ekki undir snjóflóðagiljum eða á öðrum hættusvæðum, sem í flestum tilvikum eru auðþekktir staðir. Þegar komið er að tæki sem er að moka á slíkum stað skal vegfarandi bíða í góðri fjarlægð þar til leiðin er orðin greið.

Útbúnaður í vetrarferðum

Bílar þurfa að vera á góðum vetrardekkjum. Nauðsynlegt er að hafa skóflu og dráttartóg meðferðis svo og hliðarföt, t.d. ef þarf að moka frá eða losa bíl. Gott er að hafa teppi eða hlýjan fatnað ef bíða þyrfti í bílnum. Þetta er einkum mikilvægt þegar börn eru með.

Neyðartilvik


Vegagerðin veitir ekki aðstoð eftir að þjónustutíma er lokið eða þá daga sem ekki er þjónusta. Í neyðartilvikum getur því þurft að kalla út björgunarsveitir til aðstoðar og er best að leita upplýsinga hjá Neyðarlínunni í síma 112.

- Mikilvægt er að gefa einhverjum upp ferðaáætlun til að auðvelda leit eða til að veita aðstoð ef viðkomandi kemur ekki fram á réttum tíma.
- Aldrei skal yfirgefa bíl nema í góðu veðri og vitað sé nákvæmlega hve langt er í næstu mannabústaði eða björgunarskýli. Ef bíll er hafður í gangi, á meðan beðið er aðstoðar, skal þess vel gætt, vegna hættu á kolsýringseitrun, að útblástur frá vél berist ekki inn í bílinn.
- Ef yfirgefa þarf bíl uppi á heiðum eða fáförnum leiðum þarf að tilkynna það til lögreglu eða Vegagerðarinnar eins fljótt og hægt er.

Þegar snjóþyngsli eru mikil eða veðurhorfur slæmar getur þjónustustig lækkað eða snjóléttari vegir verið mokaðir í stað þeirra sem kortið sýnir, þó lengri séu.

Mokað er að flugvöllum í tengslum við áætlunarflug.

Vegagerðinni er heimilt að fækka þjónustudögum eða leggja niður þjónustu um lengri eða skemmri tíma ef kostnaður við hana verður óhóflegur. Slík fækkun verður auglýst vel alls staðar þar sem gefnar eru upplýsingar um færð .



Meðan fært þykir vegna veðráttu og snjóþyngsla er leitast við að halda vegum opnum eins og kortið sýnir.

www.vegagerdin.is
www.road.is

www.vegagerdin.is
www.road.is

www.vegagerdin.is
www.road.is

www.vegagerdin.is
www.road.is